

阿毗達磨大毗婆沙論卷第一百一十七

五百大阿羅漢等造

唐三藏法師玄奘奉詔譯

業蘊第四中邪語納息第二之二

有律儀有不律儀有住律儀者有住不律儀
者云何律儀謂有七種即離斷生命乃至離
雜穢語云何不律儀謂亦有七種即斷生命
乃至雜穢語云何住律儀者謂有七衆一苾
芻二苾芻尼三正學四勤策男五勤策女六
近事男七近事女云何住不律儀者謂有十

二種不律儀家一屠羊二屠雞三屠豬四捕
鳥五捕魚六遊獵七作賊八毆脰九縛龍十
守獄十一煮狗十二婆具履迦此中屠羊者
爲活命故懷殺害心若買若賣養飼斷命如
是一切皆名屠羊屠雞屠豬亦復如是捕鳥
者爲活命故採捕衆鳥捕魚等亦如是縛龍
者爲活命故習呪龍蛇或言縛象煮狗者謂
梅茶羅等諸穢惡人婆具履迦者謂有傍生
名婆具羅即是蟒類恒於曠野吞食商侶有
人專能殺之取賣侶價以自活命由此故名

婆具履迦有說且弶名婆具羅有人為活命故恒設置弶取諸衆生故名婆具履迦有說獵主名婆具履迦如有頌言

鹿出婆具履迦苦 終不還投婆具羅
智者棄凡俗出家 終不還歸苦迫迮

尊者妙音作如是說若受上命訊問獄囚肆情暴虐加諸苦楚或非理斷事或毒心賦稅如是一切皆名住不律儀者問如諸律儀要受方得此不律儀亦如是耶或有說者亦由受得謂手執殺具誓從今日乃至命終常作

此業以自活命爾時便得此不律儀復有說者雖執殺具自立誓言然彼不得此不律儀由二緣得一由作業二由受事由作業者謂生不律儀家最初作彼殺生等業爾時便得此不律儀由受事者謂生餘家為活命故懷殺害心往屠羊廿七等不律儀所作是誓言我從今者乃至命終常作汝等所作事業以自活命爾時便得此不律儀復有說者此亦最初作彼業時方乃獲得此不律儀彼說不律儀惟一緣得若有以下品心起有表業受諸律

儀盡衆同分彼諸律儀下品隨轉雖於後時
勵力發起身語意攝惡行妙行然彼律儀常
下品轉更不增長若有以中品心起有表業
受諸律儀盡衆同分彼諸律儀中品隨轉雖
於後時勵力發起身語意攝惡行妙行然彼
律儀常中品轉不增不減若有以上品心起
有表業受諸律儀盡衆同分彼諸律儀上品
隨轉雖於後時勵力發起身語意攝惡行妙
行然彼律儀常上品轉更不損減故如是問
頗有新學苾芻成就上品律儀而阿羅漢成

就下品律儀耶答有謂有新學苾芻以上品
心起有表業受諸律儀有阿羅漢以下品心
起有表業受諸律儀如是新學苾芻成就上
品律儀而阿羅漢成就下品律儀若有最初
以下品纏斷衆生命於此衆生得下品斷生
命所攝及不律儀所攝表無表業於餘一切
夢七
有情身上惟得下品不律儀所攝無表業若
彼後時隨以下中上品纏斷衆生命於此衆
生惟得下中上品斷生命所攝表無表業更
不得不律儀所攝表無表業先已得故如是

最初以中品纏以上品纏廣說亦爾斷生命等隨別漸得不律儀業普頓得故問如屠羊者不欲殺餘衆生何故此人普於一切有情所得不律儀耶答雖於羊處起不律儀然諸有情一切皆有羊蘊界處又彼惡心境界寬遍故於一切得不律儀無有是處爲分別故設諸有情皆作羊像來住其前於彼一切皆起惡心皆欲殺害是故於一切有情所得不得律儀住不律儀者有於一切有情得不律儀非由一切支非由一切因有於一切有情得

不律儀由一切支非由一切因有於一切有情得不律儀由一切因非由一切支有於一切有情得不律儀由一切支由一切因若由一切支由一切因得不律儀非於一切有情者此類無有一切有情者即是一切有情之類一切支者謂斷生命乃至說雜穢語一切因者謂下中上纏或貪瞋癡有於一切有情不得不律儀非由一切支非由一切因者謂以下纏斷衆生命或中或上非餘亦不起餘支有於一切有情得不律儀由一切支非由一

一切因者謂以下纏斷衆生命乃至說雜穢語或中或上非餘有於一切有情得不律儀由一切因非由一切支者謂以下中上纏斷衆生命不起餘支有於一切有情得不律儀由一切支由一切因者謂以下中上纏斷衆生命乃至說雜穢語住律儀者有於一切有情得律儀非由一切支非由一切因有於一切有情得律儀由一切支非由一切因有於一切有情得律儀由一切支由一切因有於一切有情得律儀由一切因非由一切支者此

類無有若由一切支由一切因得律儀非於一切有情者此亦無有一切有情者即是一切有情之類一切支者謂離斷生命乃至離雜穢語一切因者謂下中上品心或無貪無瞋無癡有於一切有情得律儀非一切支非一切因者謂以下心受近事勤策戒或中或上或二非餘有於一切有情得律儀亦一切支非一切因者謂以下心受近事乃至慈芻戒或中或上或二非餘有於一切有情得律儀亦一切支亦一切因者謂以下中上心如

次受近事勤策苾芻戒問若以下中上心如
次受近住近事勤策戒時即名於一切有情
得律儀亦一切因非一切支何以言無答此
中但依盡壽律儀作論不依晝夜所以者何
多七彼名爲齊於律儀中非決定故問如受律儀
於下品後復得中品於中品後復得上品諸
不律儀亦如是耶或有說者如得律儀不律
儀亦爾所以者何諸善律儀作大功用作大
加行尚數數得況不律儀如是說者律儀漸
得非不律儀所以者何律儀難得以難得故

漸受漸得不律儀易得以易得故頓受頓得
問如善律儀有支不具諸不律儀亦如是耶
答健馱羅國諸論師言不律儀業有支不具
若諸有情生在種種不律儀家生便瘡痘盡
衆同分不能言說彼但可得身三業性不律
儀業不得語四迦濕彌羅國諸大論師咸作
是說諸不律儀無支不具如善律儀漸次受
者有支不具諸不律儀則不如是無漸受故
易可得故問住不律儀者受八戒齋時捨不
律儀得律儀至明旦時捨律儀還得不律儀

耶答健馱羅國諸論師言住不律儀者受八戒齋時捨不律儀得律儀至明日時捨律儀還得不律儀得律儀故不律儀斷捨律儀故不律儀續迦濕彌羅國諸大論師咸作是說住不律儀者受八戒齋時捨不律儀得律儀至明日時捨律儀不得不律儀得律儀故捨不律儀分齊極故又捨律儀是故爾時名非律儀非不律儀若彼有情盡衆同分不復作律儀由四緣捨一捨所學二二形生三斷善

根四捨衆同分諸持律者說法滅沒時爲第五緣謂法滅沒時一切所學出家受具結界羯磨悉皆息滅是故爾時律儀亦捨如是說者當於爾時先得律儀不捨已出家者猶名出家已受具者猶名受具未出家者無復出家未受具者無復受具依此故言一切息滅修七諸不律儀由四緣捨一受別解脫律儀二得靜慮律儀三二形生四捨衆同分問如善律儀捨所學捨此不律儀亦如是耶答或有說者若能決定捨諸殺具爾時捨不律儀如是

說者雖復決定捨諸殺具若不受戒得善律儀終不得名捨不律儀

三惡行三曲穢濁乃至廣說問何故作此論答爲欲分別契經義故如契經說有三惡行

三曲穢濁契經雖作是說而不廣辯廣說如前復有說者前納息中已分別三惡行而未分別三曲穢濁今欲分別故作斯論三曲穢濁謂身曲身穢身濁語曲語穢語濁意曲意穢意濁三曲云何謂諂所起身語意業所以者何諂名爲曲由曲相法所起三業說名爲

曲是彼果故問復何因緣諂名爲曲答直相違故如有頌言

諸盤迴屈曲 不平直不正 險坑澗稠林是皆喻其諂

復有說者以諸有情諂所損汚難出生死難入涅槃猶如曲木難出稠林難入聚落此亦如是故名爲曲復有說者以諸有情諂所損汚諸所作事將現在前復還棄背將欲出言復還內止其性險惡難得意趣難可共交故名爲曲復有說者以諸有情諂所損汚諸聰

慧者皆應遠離如樂淨人逃避塚間死屍臭穢正直所厭故名爲曲復有說者以諸有情誦所損污諸佛於彼亦捨大悲如誦病人良醫所棄障礙正化故名爲曲問誦在何處答在欲界初靜慮非上地問何故上地無誦答上地於誦非田非器非地非依以非田器非地依故於彼不有復有說者爲除其誦往趣上地若於上地復有誦者不應加行求趣上地若下地法上地亦有者不應施設漸次滅法若不施設漸次滅法則應無有究竟滅法

若無究竟滅法便無解脫若無解脫亦無生死則一切法無欲今無如是過是故上地無誦復有說者若於是處安立王臣安立衆主尊卑差別則有其誦非於上地得有斯事故無有誦諸有王臣衆主尊卑差別必懷誦曲更相接事故復有說者若於是處有諸識身有尋有伺及有自性身語表業則有其誦如是諸法上地皆無故無有誦三穢云何謂瞋所起身語意業所以者何瞋名爲穢由穢抽法所起三業說名爲穢是彼果故問諸煩惱

皆是其穢如有頌言

世間諸穢草 能穢汚良田

如是諸貪穢

穢汚諸舍識

世間諸穢草

能穢汚良田

如是諸穢穢

穢汚諸舍識

慢愛無明餘煩惱頌說亦如是何故此中惟

瞋名穢答雖諸煩惱皆名爲穢然惟瞋恚有

二穢名故獨名穢如上頌言如是諸穢穢穢

污諸舍識復有說者由此瞋恚穢自相續穢

故上界不爾故無瞋恚復次若處有無慚無

愧則有瞋恚上界不爾復次若處有苦憂根

謂若瞋恚現在前時舉身麤強惱悴頻蹙戰

掉不安如鬼所著人不憙見云何穢他相續
謂若瞋恚惱亂他時令他塵垢或受鞭捶乃至喪命問瞋在何處答在欲界非上二界問
何故上二界無瞋耶答非田非器乃至廣說復有說者爲除瞋故求趣上界廣說如前復
有說者若於是處有慳嫉結則有瞋恚所以
者何以諸有情依慳嫉結於他相續起瞋恚
故上界不爾故無瞋恚復次若處有無慚無
愧則有瞋恚上界不爾復次若處有苦憂根
則有瞋恚上界不爾復次若處有男女根則

有瞋恚上界不爾復次若處有段食受及婬
欲愛則有瞋恚上界不爾釋皆如前是故上
界無有瞋恚復有說者若於是處有怨害因
則有瞋恚怨害因者名九惱事色無色界無
怨害因故無有瞋是故尊者妙音說言怨害
因緣則令瞋轉或有說者若所依身乾燥麤
強則有瞋恚上界依身潤澤柔軟故無瞋恚
復有說者色無色界有瞋對治謂等引慈故
無有瞋如於是處若有吠藍婆風是處雲場
終不得住上界亦爾有瞋對治等引中慈吠

藍婆風故瞋雲場於彼不住三濁云何謂貪
所起身語意業所以者何貪名爲濁由濁相
法所起三業說名爲濁是彼果故問何因緣
故貪名爲濁答能染濁故世間染色說名爲
濁如世間說根濁莖濁枝濁葉濁華濁果濁
此皆能染故名爲濁復次濁者是鄙下義世
間並謂多貪欲者名爲鄙濁復次濁者是不
清淨義由貪蔽心習近染法捨淨法故問貪
在何處答在欲界乃至非想非非想處已說
自性今當顯示雜無雜相爲三惡行攝三曲

穢濁三曲穢濁攝三惡行耶答應作四句有
惡行非曲穢濁謂除欲界詭瞋貪所起身語
意惡行諸餘身語意惡行有曲穢濁非惡行
謂初靜慮詭貪所起身語意業及餘色無色
界貪所起意業有惡行亦曲穢濁謂欲界詭
瞋貪所起身語意惡行有非惡行非曲穢濁
謂除前相相謂所名如前說謂於色蘊中除
不善色及詭貪所起有覆無記色取餘色蘊
於行蘊中除不善思貪瞋邪見及詭貪所起
有覆無記思取餘相應不相應行蘊及三蘊

全并無爲法如是一切作第四句故言謂除
前相此中有二種等起謂因等起及剎那等
起因等起名能轉心剎那等起名隨轉心問
五識亦能作二等起發身語業不或有說者
五識不能發身語業所以者何惟有意識於
身語業作轉隨轉令彼業現前五識不能作
轉亦不能作隨轉不能令彼業現前問若爾
第十七如說自見身表業自聞語表業三識識此云
何通答不見身表但見餘相不聞語表但聞
餘音即由此義名見名聞三識識者緣他身

業非自身業復有說者五識亦能發身語業
以意識作能轉亦作隨轉五識雖不作能轉
而作隨轉發彼業故若作是說即爲善通自
見身表自聞語表所以者何若以意識作能
轉及隨轉亦以眼識作隨轉者便見身表若
以意識作能轉及隨轉亦以耳識作隨轉者
便聞語表三識識者亦緣自業亦緣他業尊
者僧伽伐蘇說曰五識亦能發身語業作因
等起及剎那等起所以者何如有士夫先不
作恚歎被他打即還打彼非於爾時得起我

當打彼惡念當知即是住身識打是故五識
亦能發起身語二業作因等起又剎那等起
如是說者五識不能作因等起發身語業所
以者何意識於身語業作能轉及隨轉五識
惟作隨轉不作能轉故此中若善心作能轉
即善心作隨轉若染污心作能轉即染污心
移七
作隨轉若威儀路心作能轉即威儀路心作
隨轉若工巧處心作能轉即工巧處心作隨
轉發身語業問若威儀路心作能轉即彼心
作隨轉者如有行時遇見佛像等起善眼識

或見婬女等起染眼識如是豈非善染隨轉起彼業耶尊者世友作如是說此由覺慧速疾迴轉起增上慢謂於行位起此眼識而實行時則善心染心不現在前若善心染心現在前時即止不行此善心染心但如伴者不在前時即止不行此善心染心但如伴者不名等起復有說者威儀路心發起業時善染名等起復有說者威儀路心發起業時善染心等相助發起是故威儀路心轉時其隨轉心容有三種謂善染無記問若工巧處心作用能轉即彼心作隨轉者如畫師畫作佛時起善眼識畫女人時起染眼識如是豈非善染

隨轉發彼業耶尊者世友作如是說覺慧速疾起增上慢謂於畫時起此眼識而實畫時善心染心不現在前若善心染心現在前時便止不畫此善心染心但如伴者不名等起復有說者工巧處心發起業時善心染心相助發起是故工巧處心爲能轉時其隨轉心容有三種謂善染無記問異熟生心何故不能作二等起發身語業耶答強盛心發身語業異熟生心其性羸劣故不能發復有說者若身語業異熟生心爲二等起而發起者此

身語業當言是何爲威儀路爲工巧處爲異熟生若威儀路或工巧處異熟生心云何能發若異熟生此身語業應是異熟然身語業定非異熟加行起故亦不可說爲善染汚執異熟生心所起故由此異熟生心不能發身語業復次若見所斷心作能轉修所斷心作隨轉或修所斷心作能轉即修所斷心作隨轉發身語業斯有是處若見所斷心作能轉即見所斷心作隨轉或修所斷心作能轉見所斷心作隨轉發身語業無有是處何以故

以見所斷心不能作剎那等起發身語業故今於此中因論生論問何故住見所斷心不能作剎那等起發身語業耶答要離散心能作剎那等起發身語業此心微細故不能發復次外門轉心能作剎那等起發身語業此心內門轉故不能發復有說者若見所斷心能作剎那等起發身語業者此業當言是何爲見所斷爲修所斷爲俱所斷若見所斷者此身語業應非修所斷法爲方便依謂修所斷四大所造若修所斷者不應以見所斷心

爲刹那等起若俱所斷者隨所起一業應成二分如是則一法有二自性但不爾故見所斷心非刹那等起問若見所斷心不能作刹那等起發身語業者契經所說當云何通如契經說諸邪見人所有身語意業若思若求若所造作一切皆得不可愛不可樂非悅意果所以者何此見暴惡所謂邪見答依因等起作如是說非依刹那等起是故無過復次若此衆同分心作能轉即此衆同分心作隨轉或餘衆同分心作能轉即餘衆同分心作

隨轉發身語業斯有是處若此衆同分心作能轉餘衆同分心作隨轉發身語業無有是處復有說者亦有是處謂如有人發願當作五年大會中間命終乘此願力生富貴家自憶宿命如昔所願一切皆作如是則名此衆同分心作能轉餘衆同分心作隨轉發身語業三妙行三清淨謂身語意清淨乃至廣說問何故作此論答爲欲分別契經義故如契經說有三妙行三清淨雖作是說而不廣辯廣說如前復有說者前納息中已分別三妙

行未分別三清淨今欲分別故作斯論爲三妙行攝三清淨三清淨攝三妙行耶答隨其事展轉相攝所以者何諸身妙行即身清淨諸語妙行即語清淨諸意妙行即意清淨問無漏妙行永離垢離穢離濁可名清淨有漏妙行既是有垢有穢有濁云何名清淨答有漏妙行以分清淨故名清淨所以者何有漏妙行亦能離乃至無所有處諸煩惱垢故得名清淨復有說者有漏妙行能引發隨順第一義清淨故亦名清淨三妙行三寂默謂身

語意寂默乃至廣問何故作此論答爲欲分別契經義政如契經說有三妙行三寂默雖作是說而不廣述廣說如前復有說者前納息中已分別三妙行未分別三寂默今欲分別故作斯論三妙行三寂默爲三妙行攝三寂默三寂默攝三妙行耶答應作四句有妙行非寂默謂除無學身語妙行諸餘身語妙行及一切意妙行有寂默非妙行謂無學心有妙行亦寂默謂無學身語妙行有非妙行非寂默謂除前相相謂所名如前廣說謂

於色蘊中除善色行蘊中除無貪無瞋正見及諸善思識蘊中除無學心取餘色行識蘊及二蘊全并無爲法如是一切作第四句故言謂除前相三清淨三寂默爲三清淨攝三寂默三寂默攝三清淨耶答應作四句有清淨非寂默謂除無學身語清淨諸餘身語清淨及一切意清淨此復云何謂學非學非無學身語清淨及三種意清淨以意寂默惟無學心故有寂默非清淨謂無學心非業性故有清淨亦寂默謂無學身語清淨有非清淨

非寂默謂除前相相謂所名如前廣說問何故於五蘊中惟色識二蘊建立寂默非餘蘊耶答應具建立而不立者當知此義有餘復有說者此中顯示最初最後故作是說初謂色蘊後謂識蘊如說初後如是入出趣向己度方便究竟當知亦爾復有說者此中顯示最麤最細於五蘊中色蘊最麤識蘊最細復有說者真實寂默惟無學心此無學心由誰比度謂身語業故惟無學心身語業建立寂默問何故寂默惟在無學答惟無學身中寂

默可得學及非學非無學身中皆不可得因論生論何故惟無學身中寂默可得非餘耶答由此寂默是最勝法非劣身中有勝法可得所以者何若說勝法則無學法勝非學法等若說勝補特伽羅則無學補特伽羅勝非有學等復有說者無學身中煩惱意言究竟息滅寂默圓滿故立寂默餘身不爾故不建立問妙行清淨寂默有何差別或有說者名即差別謂名妙行名清淨名寂默復有說者義亦差別謂善巧作義是妙行義體潔白義

是清淨義離癡亂義是寂默義復有說者能感受果故名妙行不雜煩惱故名清淨究竟靜息故名寂默是謂妙行清淨寂默三種差別諸身惡行彼盡非理所引身業耶設非理所引身業彼盡身惡行耶乃至廣說問何故作此論答爲欲分別契經義故如契經說有非理所引身語意業契經雖作是說而不廣辯廣說如前復有說者前納息中雖已分別三種惡行而未分別非理所引身語意業今欲分別故作斯論諸身惡行彼盡非理所引

身業耶設非理所引身業彼盡身惡行耶答
諸身惡行彼盡非理所引身業何以故以諸
惡行皆違理故非理作意所等起故有非理
所引身業非身惡行謂有覆無記身業及無
覆無記非理所引身業有覆無記身業者謂
初靜慮地詔愛煩惱等所起身業無覆無記
第十七
非理所引身業者謂應如是去來而不如是
去來等廣說如前諸語惡行彼盡非理所引
語業耶設非理所引語業彼盡語惡行耶答
諸語惡行彼盡非理所引語業何以故以諸

惡行皆違理故非理作意所等起故有非理
所引語業非語惡行謂有覆無記語業及無
覆無記非理所引語業有覆無記語業者謂
初靜慮地詔愛等所起語業無覆無記非理
所引語業者謂應作一言而不作等廣說如
前諸意惡行彼盡非理所引意業耶設非理
所引意業彼盡意惡行耶答應作四句有意
惡行非非理所引意業謂貪欲瞋恚邪見三
種意惡行有非理所引意業非意惡行謂有
覆無記意業及無覆無記非理所引意業有

覆無記意業者謂欲界繫薩迦耶見邊執見
相應思及色無色界一切煩惱相應思無覆
無記非理所引意業者謂思能起如前所說
無覆無記非理所引身語二業有意惡行亦
妙行
非理所引意業謂不善意業有非意惡行亦
非非理所引意業謂除前相謂所名如前
廣說謂於行蘊中作四句於中除貪瞋邪見
及染污思并無覆無記非理所引思取餘相
應不相應行蘊及四蘊全并無爲法如是一
切作第四句故言謂除前相諸身妙行彼盡

如理所引身業耶設如理所引身業彼盡身
妙行耶答諸身妙行彼盡如理所引身業何
以故一切妙行不違理故如理作意所等起
故有如理所引身業非身妙行謂無覆無記
如理所引身業此復云何謂應如是去來而
能如是去來等廣說如前諸語妙行彼盡如
理所引語業耶設如理所引語業彼盡語妙
行耶答諸語妙行彼盡如理所引語業何以
故一切妙行不違理故如理作意所等起故
有如理所引語業非語妙行謂無覆無記如

理所引語業此復云何謂應作一言而作一
言等廣說如前諸意妙行彼盡如理所引意
業耶設如理所引意業彼盡意妙行耶答應
作四句有意妙行非如理所引意業謂無貪

無瞋正見三種意妙行有如理所引意業非
意妙行謂一分無覆無記如理所引意業即
思謂能起如前所說無覆無記如理所引身
語二業有意妙行亦如理所引意業謂善意
業有非意妙行亦非如理所引意業謂除前
相相謂所名如前廣說謂於行蘊中作四句

於中除無貪無瞋正見及善思并無覆無記
如理所引思取餘相應不相應行蘊及四蘊
全并無爲法如是一切作第四句故言謂除
前相

阿毗達磨大毗婆沙論卷第一百一十七

說

一切有部
發智

第十七

十

永樂北藏

大毗婆沙論

第一〇九冊